


全州志
卷一

340.179
135
部 = 1~10

35



共十本

續修全州志序

州縣各有志志也者紀實之書也方域沿革風俗物產與夫理治之得失利弊之興除皆於是乎在乾隆丁未春予始遊湘源覽其山川神秀絃誦相聞林陸之饒幅員之廣渺然想柳仲塗

序

顧華玉王祖道諸人之經畫調劑其善政流風猶未泯也聞蔣宮傅陳主客曹太僕諸先正之芳躅低回留之不能去又十年丁巳奉檄攝州篆索閱志乘庶幾前此揚摧得之而未悉者可一一考其時勢審其擘畫率由



舊章以藏予之拙而司事者稟
曰志板毀蝕久不任摩印且三
十餘年未有紀述其缺遺亦多
矣予慨然久之謀之縉紳諸君
子急為纂修而瑞安令弗菴曹
公孝廉蓮池王公初齋時公等
實任其事舊志壞者補之數十

序

二

年來人物科目藝文節孝諸類
未經收錄者悉搜訪而綴於舊
志各類之後州志用是粗成予
偶爾庖代倥偬不給何暇抵撫
前人遺罅以自藻飾唯是表表
名區奕奕繡壤風聲物望厯占
既粵冠冕今幾何時而紀載殘

剝數典莫由令駸駸後輩靡有
矜式失庭塾私淑之資風教渙
然無所藉以維繫輜軒下逮無
以供採擇所關豈尠哉我
國家教養百年全雖遠在南方人
物繁會倍於往昔


朝廷特簡賢能以寄撫牧微徃牒

序

三

之徵又奚以張弛而盡善耶然
則此志之修不容一日緩矣今
代事且至爰薈萃其篇帙以解
因循之嘲後有作者隨時編輯
以無失傳信之旨唯賢明鉅公
有以潤色而增美焉匪予謏劣
所敢專也

嘉慶四年歲在己未季春上澣
廣西思恩府通判攝理全州
事石城溫之誠撰



序

四

原序

封建變而郡縣土地人民政事未之有改也國有史官郡縣遜制故稱志志不備則三者不可得而考俚俚然何以鑒往詔後是苟且朝夕之爲也予行郡邑必問志乃全州廣右望地知州王瑩之出前郡博吳伯璋舊本蓋去今七十年所罔徵近事再出新草益舛陋無觀焉於是爲之撰述夫衡山南條至全盤抱湘水北行合羅江洮灌縈帶離巽山川萃止風氣從之古昔君子財成輔相爰立斯於茲稽奠故志首封域先王辨方經野任人而治承以大夫師長古今一也故次之以官師上下既定百務攸興小大巨

細密理如織

協義

全州志

卷之首 原序

一

養之時義大矣視土毛與業作故次之以食貨

則彰往蹟樹風聲興來哲莫大乎人物故

次之以人物文著而故實可質詩作而土風是觀故次之以藝文災祥雜事頗近細碎然切政體故次之以雜記凡七篇志成知州以覲行屬上思學正吳憬梧州訓導邱雲霄參對乃授刻工

嘉靖己酉至前二日江左謝少南識

全故有志也而舛陋無紀撫其所不必存而遺其所必不可闕疎劣成於寡昧情勢掩乎鑒裁爾夫全於粵爲上地而又多才往也靡徵後將焉視督學謝公憮然病之乃於校上之暇力爲詮削於是乎旁搜塵籍下引故老斷碑

牘曲加披省裨其所弗逮闡其所不及晰一行可甄雖
弗捐義不必存雖美亦擯文於舊減十之三而事溢十之
五授工屬予序之夫志鑒往躅而繩來軌有風之道也獨
建置沿革乎稽哉予觀今志挈綱以從理也而政弗舛也
標制以示準也而吏弗迷也摘罅以道砭也而民弗病也
而又峻體以懲駸也引義以裁濫也美哉核而潔辨而理
盡而不黷辟之淘洗江山鎔範規制抉刷才賢金石典訓
鑿鑿乎足垂炯鑒也者是故全艱於兵防也而白要害之
郟全傲於甲征也而指竄弄之逕全毗於屯政也而發侵
沒之機全病於徭禍也而引制禦之端則夫後之良牧立
政紀殖民生固不必求之志外也美哉公英練植風節先

全州志

卷之首

原序

二

以名御史督學帝畿爲翰林爲宮直乃出蒞於粵動引古
誼雅孚士心掖程振賈不遺餘力夫去華近而涉荒裔
豐法紀了無芥蒂則公之識度也卓乎邈矣予何足以知
之志凡爲綱七爲目五十有八成於歲己酉冬十一月刻
於庚戌春二月總數十萬言

明進士出身中奉大夫廣西布政使司右布政使河南楊
仁撰

志也者郡邑之史也史也者郡邑之政也考古尙書禹貢
之篇及周官職方氏小史外史掌邦國地理圖志以詔王
今之郡邑志書是其遺意也蓋一方之政俗係焉槩舉之
則無微之弗書撮其要者而論之則典章之沿革也吏治

之汗隆也風氣之淳駁也俗尙之剛柔奢儉也田賦戶口之贏譴登耗也學校選舉之盛衰修廢也政治之大端盡於此矣而皆於志焉是徵然則志豈易言修哉康熙己巳余叨奉

簡命移牧湘源下車之日欲搜閱圖志成云自明季兵燹相仍已淪毀無存蓋數十年於此無復有踵而修之者余爲之愴然三歎於是日厯搜訪忽得殘編斷稿於人家故篋中披閱經旬覺篇目之失次蠹魚之虧損亥豕之謬悞不一而足蓋幾乎不能卒讀矣爰加考訂取其繁者芟之缺者補之謬悞失次者整齊而是正之其間錄前代之故者夫亦欲使杞宋足徵之意也其綱有八其目六十有三

全州志

卷之首 原序

三

遂成完書用付剞劂於是數十年遺亡之志乘復還故物矣惟余聞見淺陋既乏三長安敢謬當述作而時亦有所未遑也茲聊收拾散亡俾有考於後云爾使後之君子有如椽如矢之筆刪定而纂修之爰勒汗青永垂志乘是則余今日所以刻是書之意也然而又有說焉蓋卽是冊而按圖覽志典章之沿革可考也吏治之汗隆可考也風氣之淳駁可考也俗尙之剛柔奢儉可考也田賦戶口之贏譴登耗可考也學校選舉之盛衰修廢可考也觀於典章沿革而鑒前日之損益可以妙今日之化裁矣觀於吏治汗隆而鑒前人之貞邪可以學今日之法戒矣觀於

道矣觀於

之剛柔奢儉而可以修其教不易其俗齊其政不易其宜
矣觀於田賦戶口之贏訕登耗而可以時歛散而廣休養
示節愛而臻富庶矣觀於學校選舉之盛衰修廢而可以
踵前修而振興今治宏新化而彌光往烈矣然則是志也
寧特以備掌故云乎哉神而明之存乎其人信哉政治之
大端盡於此矣況湘源粵西各郡也雖嶺外遐陬而山水
奇秀差堪與上國埒且往牒所載宦蹟昭垂人才輩出而
偉節懿行卓有著聞民風淳朴惟事耕讀方之吳越各區
未爲多讓惟是歷年以來世變叠更滄桑靡常二三殘黎
荼毒於劫火戎醜者幾無孑遺稽民版之盈虛較田賦之
荒熟由今視昔大有徑庭卽同監門之圖能已楚材之哭
全州志

卷之首

原序

四

今幸際

皇威遐暢薄海昇平

聖天子勵精圖治加意民瘼使吏於茲土者克追吏蹟如
柳仲塗王祖道章公復其人焉生於茲土者景行先哲如
陳主客蔣文定曹太僕其人焉則從此生聚教訓轉瘡痍
爲樂利易樸鄙以文明民還耕鑿之舊士修絃誦之遺異
日輜軒之使採風上聞曰湘源嶺外之鄒魯也斯無負
皇上簡用司牧之意矣璋也非其人也敢以望於後之
子云

遺

天己巳

郡邑之有志所以備參稽樹標準也揭往詔來民聽不忒
勸懲斯在風教繫焉末世職志寢失其意或畧而陋或詳
而蕪乃使武功山陰擅美莫繼何哉揭文安有言有學問
文章而不知史事不可與知史事而心術未講不可與志
猶史也顧不重歟第全之志則有難焉者楚粵滇黔交衢
四達兵燹洊經典籍散佚

聖朝繼繼承承重熙累洽承平百數十年止前牧溫陵黃
君一修於康熙己巳而保殘守缺疎漏與嗟今復歷有年
所故老無在杞宋何徵乃欲舉郡之文獻振湮探賸於茫
茫陸緒之餘以底醇備不尤有難焉者乎全故洮陽治漢
高帝時破黥布於洮水之南今無復有能舉似者椰子厚

全州志序

卷之首

五

游歷登覽之區載在篇章亦已蕩爲榛莽重山疊嶂瘠土
窮簷當年柳仲塗王祖道顧華玉數君子撫循綏定其流
風善政存焉者蓋已寡矣宋明崗獠之禍其伏莽乘墉草
雉而禽獮皆曩哲所經畫周防者也陶學士蔣宮傳諸先
正之軌躅後生小子罕有能口誦指畫一無挂漏者夫以
鑿鑿顯著赫赫聲稱且等諸子虛亡是徒得之想像揣摩
之間又況其下焉者哉數典忘祖擿埴冥行非細故也予
滋懼焉夫辨名正物則疆域建置實維權輿仰觀俯察承
訛踵謬舛漏不經胥失也王政大端莫先教養學校田賦
疎畧者失之礎确也而稱沃壤貧弱也而號豐饒其失也
夸誕官師爲起化之原但臚氏名而賢者不爲別錄古之

文翁朱邑何以稱爲人材者一方之表率也達官墟墓乞米遺丁而竊曾閔冑紀共者實繁有徒潛德幽光反闕於俗物傳信之謂何其奚以端軌的也風土是胡先民有作而糠粃雜陳玉石淆列則泛濫之失也恣反是焉斯得體要矣昔新唐書成於歐宋鉅手筆浚人猶有違言而李文達一統志歸太僕且譏其後予獨何人敢執簡以當斯任第此邦掌故不忍聽其就湮自知孤陋於前賢無能爲役然準道以爲言刪存挾摘差具發明而訓方勵俗不援曲筆以滋心術累者有微尙焉其因事樹義蒐討故實之或得或失終不敢據以自信則知我罪我亦姑任之而已昔乾隆二十一年丙子歲孟冬月知全州事陸豐黃德星撰

全州志序

卷之首

六

皇帝御宇之二十有九年禮部議准福建學政翰林院編修紀昀條奏凡經史官韻敬避

廟諱

御名一摺通行天下全州奉

臺檄飭一體照改知州事李宏潛亟取州志悉心勘校凡應避者標籤識記行將各梓人矣而未敢遽也伏查州志宋明以前無可考康熙間始修於溫陵黃君志璋顧其事多簡率不足以觀閱六十年陸豐黃君德星重修之蒐討無遺論斷得體俾一郡之山川風俗政事文章條分縷晰瞭若列眉亦可謂善矣然而讐校偶疎魯魚亥豕之譌在所不免宏潛讀竟掩卷而喟然興嘆曰今日之事正不徒

奉行文書已也夫戶口之盈縮鹽法之變更官師選舉之
遷除政事人材之消長月異歲不同皆司牧者所宜留心
稽察以自驗其居官之得失者如謂新志去今未久不妨
委而俟諸後之人設使後之人因循不舉而又有所俟究
必致文獻無徵難於傳信其咎將誰職耶宏濬材謏學膚
未嫻筆墨誠弗敢當斯役然既恪遵

功令取前人已成之書而釐定之因而刪其繁蕪補其缺
漏近年之事據實徵詞依類而附非示才也非沽譽也區
區之心益因利乘便不忍坐失現在之機宜重煩後來之
補綴是則宏濬續修之志也用弁數言於首以詔來者
皆

全州志序

卷之首

七

乾隆三十年歲次乙酉孟夏穀旦知全州事廣陵李宏濬
撰

全州志目錄

卷之首

序日

重修姓氏

凡例

諸圖

州城圖
恩德鄉圖
州境總圖
昇平鄉圖
長樂鄉圖
建安鄉圖
宜湘鄉圖
西延七里五排六隘圖
萬全鄉圖

卷之一

輿地

沿革
村落
疆域
墟市
星土
山川
氣候
風俗
古蹟
物產

卷之二

建置

城池
驛舖
公署
宮室
祠祀
官舍
關梁
邱墓
兵防

全州志

卷之首

一

卷之三

學校

學制
樂章
釋菜
書院
位次

卷之四

田賦

戶口
積貯
田賦
鹽法

卷之五

秩官

卷之六

選舉上

薦辟
舉人
進士

卷之七

選舉下

武進士
武舉
副榜
貢生
吏材
軍功
監生
封廕
鄉耆

卷之八

人物上 名宦 鄉賢

卷之九

人物下 列女 仙釋 流寓

卷之十

藝文上 歷朝詩 國朝詩

卷之十一

藝文中 歷朝文

卷之十二

藝文下 國朝文

卷之末

災祥

全州志

卷之首 目錄

二

雜紀

續修全州志姓氏

總裁

思恩府通判攝理 全州事溫之誠江西石城人

校閱

全州儒學學正蘇際高武緣人

全州儒學訓導關學周永安人

全州州同駐劄西延李連城廣東連州人

全州吏目黃譽順天大興人

纂修

曹文深西隅人乾隆丙子舉人任浙江温州府瑞安縣知

縣

全州志

卷之首 姓氏

王永禔恩德鄉人乾隆丙午副榜戊申舉人

時大鼎恩德鄉人乾隆丙午舉人

分修

趙正業宜湘鄉人庠生

劉昌諄長樂鄉人庠生

校勘

馬鳳恩德鄉人庠生 唐棣昇平鄉人庠生

蔣勵仲萬全鄉人監生 關暄建安鄉人監生

編輯

時際昌恩德鄉人乾隆甲午武舉

唐昌國萬全鄉人乾隆己亥武舉

雷靜元萬全鄉人嘉慶丙辰武進士

廖卓元恩德鄉人乾隆丙午武舉

鄧增儼恩德鄉人乾隆甲寅武舉

方國瓊宜湘鄉人庠生

採訪

伍傳沛昇平鄉人乾隆己亥舉人

陳錫琯恩德鄉人乾隆己酉舉人

蔣善勳昇平鄉人乾隆己酉舉人

鄧炳萱恩德鄉人乾隆壬子舉人

廖光國恩德鄉人乾隆己卯武舉

全州志

俞當毅隆原隅人乾隆甲寅武舉

蔣承祉昇平鄉人歲貢

廖文鑑隆原隅人州同

蔣承梁昇平鄉人職員

閻暄建安鄉人監生

唐啟瑜恩德鄉人監生

馬廷修恩德鄉人監生

劉希嶽恩德鄉人監生

謝際安萬全鄉人監生

劉昌誼長樂鄉人監生

張天舉恩德鄉人監生

黃鶴舞昇平鄉人乾隆戊申舉人

李祖望萬全鄉人乾隆己酉舉人

唐志廣恩德鄉人乾隆壬子舉人

蔣祖暄恩德鄉人乾隆甲寅舉人

蔣灝廷萬全鄉人乾隆丙午武舉

卷之首 姓氏

蔣攀龍昇平鄉人乾隆乙卯武舉

唐永昇恩德鄉人歲貢

胡智祖昇平鄉人州同

唐昌廷萬全鄉人職員

趙端宗宜湘鄉人監生

唐植桑恩德鄉人監生

廖松友恩德鄉人監生

蔣勵仲萬全鄉人監生

雷超元萬全鄉人監生

蔣長發萬全鄉人監生

馬鳳恩德鄉人庠生

重修全州志姓氏

總裁

全州知州黃德星廣東陸豐人雍正甲辰舉人

校閱

全州儒學學正王待相藤縣人乾隆甲子舉人

全州儒學訓導唐之琳崇善八歲貢生

全州理瑤州同駐劄西延孫承祖山東安邱人

署全州州判候補布政司經歷王元美山東諸城人

全州吏目金成遠江南婁縣人

纂修

謝庭瑜萬全鄉人乾隆丁巳傳臚翰林院庶吉士原任山

全州志

卷之首 姓氏

一

西直隸吉州知州

蔣良騏昇平鄉人乾隆辛未進士現任翰林院編修

採訪

蔣 枏 昇平鄉人康熙辛卯唐斐然恩德鄉人康熙癸巳

蔣 頤 秀 萬全鄉人康熙甲午王昭相恩德鄉人乾

鄧 孝 至 昇平鄉人乾 蔣 如 泰 昇平鄉人乾

文 祿 鰲 昇平鄉人乾 謝 之 煥 萬全鄉人乾

王 蕪 恩德鄉人乾 蔣 柱 昇平鄉人乾

劉 光 灼 長樂鄉人乾 文 毓 萬全鄉人乾

鄧 攀 桂 恩德鄉人乾 胡 養 元 昇平鄉人乾

謝 庭 琛 萬全鄉人乾 曹 澤 通 西隅人乾隆